

կրութեանց անցելոց . եհաս ի վերայ և Ռէյէնթ Տօմինիքանաց Լէօպօլտոյ՝ Փաթէր Իուսթուս Ռօլայ, և ծանուցայ ամենեցունց Տօմինիքանաց տեղոյն, որ և մատուցեալ Փաթէր Փաիօրն ամօթալի, հայցէր զներուան վասն ոչ առ նեղոյն զպատիւ պատկանաւոր: Բայց խորհեցայ ոչ յամել ի տեղոնն, զի և ի քաղաքին լսելի եղեւ անունս . գուցէ վտանգն յորմէ խիթայի՝ պաշարեցէր զիս: Ծանուցի զխորհուրդս Փաթէր Մաթիասին . որ և նա առ փորձեալ զզգացումն իմ, խոստացաւ յերեքշաբաթով աւուր առնուլ զիս ընդ իւր մինչեւ ցՍթանիսլավով:

16. Յերեքշաբաթով, զկնի պատարագին, կառաւ Փաթէր Մաթիասին գընացինք դէպ Սթանիսլավով . և յերեկոյն խոտորեցաք ի գեօղն, ուստի երբեւիւր գեօղաքաղաքն Հալիչ, և օթեցինք ի բակի շինականի ումնն մեծատան:

17. Ի չորեքշաբաթով անցեալք նաւու զգետն Տնեստր, գնացինք ի Հալիչ . Փաթէր Մաթիաս գնաց առ գասթէլլանն, և ես ի տուն Ժէլինսքայ կնով հայկազնոյ, առ որում երկիցս յայցելութեանն Սթանիսլավով՝ օթեալ էի . բայց ոչ նա զիս ծաննաւ և ոչ ես ետու ծանօթութիւն . գնեցի ի թռանէ նորա զերկուս դոխա աղաւնոյ՝ վասն վաղուեան, և կերի ընդ սպասաւորիս վարունգս թթվոյ և եթ: Էր յայնժամ Սէյմիք գաւառին և մեծամեծք ամենեքեան ժողովեցեալք էին, ընդ որս և Վլատիքայ Ռուզայ՝ Շումայնսքի, զոր տեսի ի զնալն առ ժողովն, այլ ոչ ողջունեցի . սակաւ ինչ յամեալք՝ յետ ուտելոյն, դիմեցինք ի Սթանիսլավով, և երկուք ժամօք յառաջ քան զերեկոյն՝ հասինք յարտաքաղաքն, ի գերդատտանն Թրինիթարաց . Փաթէր Մաթիաս գնաց ի վանք կարգին իւրոյ, և ես մնացի անդէն: Աստ ի ծածուկ կոչեցի առ իս զՊատուելի Տէր Ստեփաննոս Ստեփանեան՝ գաւազն Հոգաբարձուաց գաւառին . որոյ ի տեսութենէն ուրախ եղէ յոյժ, և բերկրեցաւ ոգիս . որ և յօժարամտաբար միտարեալ զվշտագնեցեալս, բաց ի պաշտպանելոյ զկերխս, շնորհեաց և զզգեստս զղերիկոսականս, և զանկողինս վշենակաւ, նա և զթոշակ ճանապարհի: Ագայ անդէն գոյն գիշեր:

18. Ի հինգշաբաթով ընդ Տեսան Ստեփաննոսի եզերեցի ոչ մնալ անդ, այլ յառաջել ի Սնեաթին և անդուստ ի Սէչօվ դիմել, և անդէն ձմերել ապահով . ծանուցի զխորհուրդս Փաթէր Մաթիասի, և կառաւ նորա (որ գնացոյ էր ի Պանիլովայ, առ սահմանան Մօլտաւիոյ, ուր նախառաքեցեալք էին գոյք եկեղեցւոյ նորա՝ յաչէն Սվէտաց), գնացի դէպ ի Սնաթին: Անցեալք ուրեմն ընդ աւանն Թիամինից, ուր եկեղեցի և քահանայ Հայոց և Հայք ոչ սակաւք են, ոչ ումեք տուեալ զծանօթութիւն, թէ և յաւանամիջի անդ զոմանս տեսի, հասինք ի գեօղն Թօլմաչ, երկու մղոնօք հեռի ի Սթանիսլավովու, և օթեցինք անդ:

19. Յուրբաթով ելեալք անտի, պատահեցան երկու Թրինիթարք ի վանաց Փաթէր Մաթիասին, որք զեկուցին նմա զգոյցի եկեղեցւոյն: Ի յաւանին կվօժճիեց ճաշեալք, գնաց Փաթէր Մաթիաս ի Պանիլովայ . և իս վար-